

Lauxsaed Dwg Gim

老 实 是 金

环江思恩镇西南小学 罗荣妙



Gienh saeh neix fatseng youq song bi gonq. Geiq ndaej ngoenz-haenx, gou bae haw cawx doxgaiq. Gou byaij daengz henz bouq gai dangz bae, raen gwnz daiz baij miz haujlai yiengh dangz, hawj vunz

baez yawjraen, myaiz cungj yaek rih okdaeuj. Dinglingz seizhaenx, aendungx gou youh mbouj dingqvah dwk heuhgugu hwnj-daeuj, gou caen siengj cawx geij bau dangz daeuj gwn.

Gou cam boux daxgoeng gai dangz: "Daxgoeng, cungj dangz neix baenzlawz gai ha?" Daxgoeng riunyumj naeuz: "Bau maenz ndeu, sam maenz ngaenz seiq bau." Gou daj ndaw daeh mbon ok sam maenz ngaenz, doiq daxgoeng naeuz: "Daxgoeng, gou aeu seiq bau."

Daxgoeng ciep aeu ngaenz bae le, couh bau dangz hawj gou. Daihgaiq dwg vunz daiq lai, daxgoeng hawj loek lo, lai hawj gou bau ndeu. Gou yawjraen le, hix mbouj gangj okdaeuj, ndawsim lij caeg angq. Daengz ranz le, gou yawjraen bau

dangz lai hawj haenx, ndawsim gig mbouj onj, ndawsim gig ienqhoij, ienqhoij dangseiz mbouj daez-singj daxgoeng. Gou siengj dawz bau dangz neix doiq bae, youh lau bouxwnq naeuz gou dwg lwgnyez rwix. Gou siengj le gig nanz, doeklaeng gietdingh dawz dangz doiq hawj daxgoeng.

Ngoenz daihngeih, gou bae daengz bouq gai dangz, caeuq daxgoeng gangj gienh saeh neix le, daxgoeng haenh gou lauxsaed, dwg boux lwgnyez ndei ndeu.

Gienh saeh neix hawj gou mingzbeq liux dauhleix "lauxsaed dwg gim". Raeuz itdingh aeu lauxsaed, cijmiz lauxsaed shwgeij cij sim' onj, cij ndaej hawj vunz saenq ndaej gvaq.

(指导老师: 罗少维)

Haetromh Mbanjranz

家乡的早晨

德保县隆桑中心校 林艳艳

Raq sing ma raeuq ndeu, sawj gou daj ndaw loq singj gvaqdaeuj lo.

Haetromh mbanjranz, caem-rwgrwg, mbouj miz sing cauz giceh, mbouj miz sing nauhcung "dinglingling", engq mbouj miz sing bohmehe heuh lwg hwnqmbonq.

Hwnqmbonq lo, gou swiq naj miz cingsaenz le, byaij ok bakdou bae. Haetromh mbanjranz, moengz-moengz loengzloengz, gou ngiengx-

gyaeuj yawjyawj gwnz mbwn: Daengngoenz najmong dwk loh ok mbiengj naj ndeu, fwjhou cwxcaih dwk youq gwnz mbwn mbin bae mbin dauq, roeg iq hix cwxcwxcaihcaih youq byongh mbwn mbin bae mbin dauq. Caiq yawjyawj duzmeuz iq henz ndang gou, duzmeuz cingq yungh ganaj de yub myaiz swiq naj ne.

Haetromh mbanjranz, sawj

vunz maez bae. Doenghnaz mbanjranz heusisi, raemxdah laeyedyed, sawqmwh raq rumz ci daeuj, doenghnaz couh lumj langhheu fan hwnj fan roengz. Aiq dwg ngamq doek fwn gvaq ba, raemxfwn youq gwnz gomiuz lumj naedcaw nei ronghliklik.

Haetromh mbanjranz caem-rwgrwg heusausau, sawj vunz maez-yiedyied…… (指导老师: 关桂留)

Bi 2035, gou fatmingz geij cungj buh caeuq seizneix mbouj doengz, geij cungj buh neix gak miz gunghnaengz daegbied. Lajneix, gou couh gaisau hawj daihgva dingq.

Cungj buh neix naengz bienq raez bienq dinj. Gyoengq lwgnyez raeuz cingq maj ndangdaej, daenj geu buh moq geij ndwen couh dinj lo. Gou fatmingz cungj buh neix naengz bienq raez bienq dinj, dawz gaiq benjnitraeuj cang youq ndaw buh, de gojiy gaengawq ndangdaej boux vunz bienq hung bienq iq. Cawx cungj buh neix ma daenj, naengz daenj geij bi, gig mbaet ndaej ngaenz bw.

Lingh cungj buh dwg gojiy cung dien, cang benjdaengngoenz iq youq ndaw buh, danghnaeuz soujgih mbouj miz dien, couh dawz dienhsienq ndaw buh ciep daengz soujgih, gojiy itmienh cung dien itmienh dwk dienhvah. Danghnaeuz

soujdz dennauj mbouj miz dien, hix ndaej yungh cungj banhfab neix itmienh cung dien itmienh yungh dennauj, caen fuengbienh ha!

Buh diuzcez vwnhdu cieq hab-eiq mwngz lo. Ndaw geu buh neix miz hwngzvwnhgi caeuq fatndat cinghben, hai haigven fatndat, geubuh couh raeujrub lo. Danghnaeuz seizzah hwnqndat, mwngz hix mbouj

yungh you, cijaeu gven cinghben faetndat bae, couh gamjdaengz liengzsiso.

Daihgya gangj, caiq gvaq 20 bi le geij cungj buh neix baenzlawz yiengh? Sou gyaenz lwi? Cijaeu daj seizneix hwnj, gou roengzrengz hagsib, gou siengsaenq gij lijsiengj gou itdingh saedyienh.

(指导老师: 罗凤)



Lingziq Hag Gwih Danci

小猴学骑单车

德保县都安乡棋江小学 农兰兰

Boh lingziq cawx gyaq danci moq gyaundeidei ndeu hawj lingziq, lingziq angq dangqmaz, hoeng lingziq mbouj rox gwih danci.

Boh lingziq doiq lingziq naeuz: "Mbouj youqgaenj, mwngz gojiy hag gwih."

Lingziq ciuq gij yiengh daxboh hag gwih danci, hoeng lij caengz gwih ndaej geij mbat couh laemx geij baez lo, in dwk lingziq raemxda conh okdaeuj, lingziq hozndat dwk gangj: "Gou mbouj hag lo." Gangj le dawz danci vut gvaq henz bae, boh lingziq raen le, gvaqbae doiq lingziq naeuz: "Danghnaeuz bungqdaengz gunnanz couh lau, yienghneix mwngz gijmaz cungj hag mbouj rox, bungqdaengz gunnanz aeu genhciz, mbouj ndaej seizbienh cuengqbae, yienghneix guh gijmaz cij guh ndaej baenz."

Lingziq dingq gij vah daxboh le, roengzrengz hag gwih danci, yienznaeuz lij deng laemx, hoeng lingziq cungj giengienz dwk ndwn hwnjdaej, doeklaeng hag rox gwih danci lo. Lingziq hag rox gwih danci le fatyienh, gij saeh gaxgonq shwgeij nyinhnaeuz guh mbouj ndaej haenx, seizneix yawj daeuj dwg baenzneix genjdanh!

(指导老师: 农定壮)



环江思恩镇西南小学六年级 刘玲苏

